



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ŠUMARSKO UDRUŽENJE FEDERACIJE BOSNE I HERCEGOVINE – UŠIT FBiH
FORESTRY ASSOCIATION OF FEDERATION OF BOSNIA AND HERZEGOVINA
T.R.N.: 1011010000430716 - Privredna banka d.d. Sarajevo
ID: 4200201050000; P.B.: 01078773

IZVJEŠTAJ O RADU

UDRUŽENJA INŽENJERA I TEHNIČARA ŠUMARSTVA FEDERACIJE BOSNE I HERCEGOVINE UŠIT FBiH ZA 2019. GODINU

U skladu sa Planom rada Udruženja inženjera i tehničara šumarstva Federacije Bosne i Hercegovine za 2019. godinu koji je usvojen na XIX. Izornoj Skupštini Udruženja inženjera i tehničara šumarstva Federacije Bosne i Hercegovine, te u skladu sa Odlukama i Zaključcima Upravnog odbora Udruženja iz 2019. godine, Udruženje je provodilo sljedeće aktivnosti tokom protekle godine:

JACANJE KAPACITETA I UNAPREĐENJE ORGANIZACIJSKE STRUKTURE UDRUŽENJA

- Aktivno učešće procesima dostavljanja primjedbi, prijedloga i rješenja unapređenja zakonskih i podzakonskih akata u sektoru šumarstva FBiH. Nažalost, kao i prethodnih godina, dopisi Udruženja, primjedbe i prijedlozi, nisu rezultirali adekvatnom reakcijom i usvajanjem primjedbi od strane onih kojima su bili upućeni.
- Izvršena prezentacija za organizaciju 53. EFNS-a 2021. godine u Sarajevu na Igmanu u saradnji sa KJP Sarajevo šume doo Sarajevo u Arberlnadu u Njemačkoj.
- U saradnji sa JP Šume TK dd Kladanj organiziran sastanak direktora ŠPD/ŠGD u FBiH.
- U okviru realizacije Operativnog plana rada Udruženja za 2019. godinu, delegacija Udruženja predvođena predsjednikom Udruženja Refikom Hodžićem, dipl.ing.šum., upriličila je sastanke u više državnih resornih institucija na kantonalnom i federalnom nivou, kao i lokalnim zajednicama.
- Upravni odbor UŠIT FBiH održa je zajedničku sjednicu sa direktorima ŠPD-a u FBiH.
- Pimljen pripravnik u Udruženju u skladu sa konkursom Zavoda za zapošljavanje FBiH.
- Udruženje je organiziralo sastanak s ovlaštenim predstavnicima institucija za šumarstvo i šumsko privrednih društava FBiH, na kojem je razmatrano zdravstveno stanje šuma, izrada zapreminskih i sortimentskih tablica za vrste drveća, te članstvo u UŠIT-u. Zaključci sa sastanka su proslijeđeni relevantnim institucijama i preduzećima u FBiH.



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ŠUMARSKO UDRUŽENJE FEDERACIJE BOSNE I HERCEGOVINE – UŠIT FBiH
FORESTRY ASSOCIATION OF FEDERATION OF BOSNIA AND HERZEGOVINA
T.R.N.: 1011010000430716 - Privredna banka d.d. Sarajevo
ID: 4200201050000; P.B.: 01078773

- Aktivno učešće u radu Grupacije šumarstva i drvne industrije Privredne komore FBiH.
- Započete aktivnosti na kvalitetnoj pripremi XX. Redovne Skupštine Udruženja.
- Radi transparentnosti rada i približavanja aktivnosti rada Udruženja članstvu, Facebook i web stranica Udruženja se redovno ažurira.
- Povodom aktuelnih pitanja u šumarstvu FBiH, prije svega nedostatka adekvatne zakonske legislative u oblasti šumarstva FBiH, ugroženosti zdravstvenog stanja šuma, obilježavanja značajnijih ekoloških datuma i dr., predstavnici Udruženja su gostovali na nekoliko televizijskih i radijskih kuća i printanih medija.
- Nije bilo aktivnosti u radu Savjeta šumarskih udruženja Bosne i Hercegovine (SŠU BiH).
- Udruženje je produžilo Ugovor o zakupu poslovnih prostorija na Šumarskom fakultetu u Sarajevu do 31.12.2019. godine pod istim uslovima i cjenama po kvadratu kao i prethodne godine.
- U prostorijama Općine Stari Grad održan sastanak predstavnika KJP Sarajevo šume, Općine Stari Grad, Generalne direkcije za šumarstvo Republike Turske i Udruženja na kome je usaglašen termin za svečano otvaranje Park šume Prijateljstva.
- U prostorijama Ski saveza Bosne i Hercegovine u Sarajevu održan sastanak vezan za aktivnosti na pripremama za organizaciju 53. EFNS-a Sarajevo-Igman 2021. godine.
- Nastavak aktivnosti po projektu "53. EFNS SARAJEVO-IGMAN 2021.". Imenovan Organizacioni komitet 53. EFNS-a kojeg čine: direktori KJP Sarajevo šume, KJP ZOI 84 OCS, Uprave za šumarstvo KS, minister privrede KS i predsjednik Udruženja. Predsjednik Organizacionog komiteta 53. EFNS-a je director Uprave za šumarstvo KS Edib Hamzić, a generalni sekretar OK 53. EFNS je Azer Jamaković.
- Svečano otvorena Park šuma prijateljstva na Grdonju uz prisustvo velikog broja gostiju iz Republike Turske i Bosne i Hercegovine.
- U sklopu otvaranja Park šume Prijateljstva na Grdonju u službenoj posjeti Bosni i Hercegovini boravio je gospodin Bekir Karadžabej, generalni direktor Generalne direkciji za šumarstvo Republike Turske sa svojim saradnicima.
- Aktivan angažman Udruženja na Organizaciji "VI. šumarijade FBiH-Tuzla 2019.".



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ŠUMARSKO UDRUŽENJE FEDERACIJE BOSNE I HERCEGOVINE – UŠIT FBiH
FORESTRY ASSOCIATION OF FEDERATION OF BOSNIA AND HERZEGOVINA
T.R.N.: 1011010000430716 - Privredna banka d.d. Sarajevo
ID: 4200201050000; P.B.: 01078773

OSIGURANJE STABILNE FINANSIJSKE KONSTRUKCIJE ZA FUNKCIONIRANJE UDRUŽENJA

- Izvršeno je potpisivanje i realizacija bilateralnih ugovora o kolektivnom članstvu sa preduzećima šumarstva za 2019. godinu, te svakako treba istaći doprinos svih kolektivnih članova na izmirivanju preuzetih obaveza.
- Novi-stari kolektivni član Udruženja od 2019. godine je ŠGD Županije Zapadnohercegovačke doo Posušje.
- Novi kolektivni član Udruženja je Samostalni sindikat šumarstva, prerade drveta i papira BiH.
- Finalizirani projekti fotomonografije “Prašume BiH” i štampanja knjige “Varijabilnost obične bukve u BiH”, te štampana knjiga “GMO u šumarstvu”.
- Zahvaljujući kolektivnim i pojedinačnim članarinama, angažmanu članova Upravnog odbora, predsjednika Skupštine i generalnog sekretara Udruženja, izvršena je finansijska konsolidacija i stvorene pretpostavke za dalji kvalitetniji rad Udruženja sa pozitivnim finansijskim rezultatom.
- Obezbjeđena sredstva za prijem pripravnika i potpisan ugovor o sufinansiranju pripravnika od strane Zavoda za zapošljavanje FBiH.
- Pripremljen Nacrt Operativnog plana i budžeta 53. EFNS-a Sarajevo 2021.

UKLJUČIVANJE UDRUŽENJA U AKTUELNA PITANJA U VEZI ŠUMARSTVA, JAČANJE SARADNJE NA NACIONALNOM I MEĐUNARODNOM NIVOU I UNAPRIJEĐENJE ŠUMARSKE STRUKE

- U sklopu višednevne posjete Bosni i Hercegovini UŠIT FBiH je u saradnji sa KJP "Sarajevo šume" doo Sarajevo, KJP "ZOI 84-Olimpijski centar Sarajevo" i kolegama sa Šumarskog fakulteta Univerziteta u Sarajevu u petak 26.09.2018. godine upriličen je stručni program za oko 50 kolega/ica iz Šumarskog društva Republike Irske koji su boravili u višednevnoj posjeti Bosni i Hercegovini.



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ŠUMARSKO UDRUŽENJE FEDERACIJE BOSNE I HERCEGOVINE – UŠIT FBiH
FORESTRY ASSOCIATION OF FEDERATION OF BOSNIA AND HERZEGOVINA
T.R.N.: 1011010000430716 - Privredna banka d.d. Sarajevo
ID: 4200201050000; P.B.: 01078773

- Koordinacija aktivnosti na dolasku dvije delegacije Generalne direkcije za šumarstvo Republike Turske na 4. i 5. međunarodnom seminaru-integralna zaštita šuma koji su održani u februaru i decembru 2019. godine u Donjem Vakufu i Bihaću uz veliku podršku ŠPD-a Srednjobosanske šume i Unsko-sanske šume.
- Prijem i organizacija posjete BiH delegacije Generalne direkcije za šumarstvo Republike Turske predvođene generalnim direktorom Bekirom Karadžabejom.
- U saradnji sa Generalnom direkcijom za šumarstvo Republike Turske, održana edukacija protivpožarne zaštite šuma za 15 kolega/ica u Međunarodnom protivpožarnom trening centru u Antaliji.
- Potpisan Memorandum o saradnji sa Samostalnim sindikatom šumarstva, drvne industrije i prerade papira u BiH.
- Udruženje u koordinaciji sa Šumarstvom Prenj dd Konjic i Općinama Konjic i Jablanica organiziralo u Konjicu protivpožarnu obuku za šumarski sektor FBiH i dio Općinskih organizacija Civilne zaštite. Edukaciju su izvršili članovi Međunarodnog protivpožarnog centra Antalija i Regionalne direkcije šumarstva Antalija predvođeni Vedatom Dikičijem i Mustafom Ulkudurom direktorima navedenih institucija.
- Učešće na završnoj konferenciji: “Budućnost šumarstva i prerade drva u Bosni i Hercegovini”, Kupres, 2019.
- Učešće 6 kolega/ica na edukaciji biološke mjere borbe u šumarstvu u Izmiru-Republika Turska, organiziranom u saradnji sa Generalnom direkcijom za šumarstvo Republike Turske.
- Na poziv direktora Sektora za međunarodnu saradnju, obuku kadrova i istraživanja u šumarstvu Generalne direkcije za šumarstvo Republike Turske, predsjednik Udruženja, predsjednik Skupštine i generalni sekretar Udruženja uzeli učešće na sastanku šumarske istraživačko-ekspertne grupe Instituta za šumarstvo koji djeluju u okviru Generalne direkcije za šumarstvo Republike Turske u Antaliji.
- Učešće na sastancima Grupacije šumarstva i drvne industrije Privredne komore Federacije Bosne i Hercegovine.
- Aktivna saradnja sa Samostalnim sindikatom šumarstva prerade drveta i papira Bosne i Hercegovine, Savezom lovačkih organizacija BiH i ostalim članicama PLANFOR platforme.



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ŠUMARSKO UDRUŽENJE FEDERACIJE BOSNE I HERCEGOVINE – UŠIT FBiH
FORESTRY ASSOCIATION OF FEDERATION OF BOSNIA AND HERZEGOVINA
T.R.N.: 1011010000430716 - Privredna banka d.d. Sarajevo
ID: 4200201050000; P.B.: 01078773

- Udruženje izražava spremnost da konstruktivno saraduje sa svim relevantnim subjektima u oblasti šumarstva u zemlji i inozemstvu u cilju očuvanje šumskih resursa i unapređenja razvoja sektora šumarstva u BiH i promociji šumarske struke u javnosti.
- Učešće šumara Bosne i Hercegovine na 51. EFNS-u u Arberlandu-Njemačka 2019.
- U martu održana je XIX. Redovna Skupština Udruženja inženjera i tehničara šumarstva Federacije Bosne i Hercegovine u šumarskom domu "Lanište" ŠPD-a "Unsko-sanske šume" d.o.o. Bosanska Krupa.
- Održano više sastanaka kod ministra privrede kantona Sarajevo na organizaciji "53. EFNS-a Sarajevo-Igman 2021."
- Pripremljen Ugovor o bratimljenju između regionalnih direkcija za šumarstvo Republike Turske i kantonalnih šumsko-privrednih/gospodarskih društava.
- Na Igmanu održan sastanak organizacionog odbora "VI. ŠUMARIJADE FBIH-TUZLA 2019.
- Međunarodni komitet EFNS-a održao redovnu sjednicu u Sarajevu uz domaćina UŠIT FBIH, KJP Sarajevo šume, KJP ZOI 84 i Ministarstva privrede KS, te se sastao sa Organizacionom komitetom 53. EFNS-a Sarajevo 2021. na kome su prezentirane provedene aktivnosti i operativni plan rada, te je delegacija pregledala novu stazu na Igmanu, kao i strelište koje treba da se finalizira u toku 2020. godine u skladu sa pravilima IBU asocijacije.
- U sklopu priprema za održavanje "VI. Šumarijade FBiH_Tuzla 2019" u Bosni i Hercegovini je u periodu 27. - 31. avgust 2019. godine boravila šestočlana delegacija Generalne direkcije za šumarstvo Republike Turske predvođena direktorom Regionalne direkcije šumarstva Ankara, gospodinom Vejselom Kodalakom.
- U mjestu Duszni Zdroj u Poljskoj u periodu 20. - 22. septembar 2019. godine održana je jesenja sjednica OK EFNS na kojem su učešće uzeli i predstavnici OK 53. EFNS Sarajevo - Igman 2021. predvođeni predsjednikom OK EFNS-a Edibom Hamzićem.
- U organizaciji Udruženja inženjera i tehničara šumarstva Federacije Bosne i Hercegovine i Generalne direkcije za šumarstvo Republike Turske, a na osnovu zahtjeva ŠPD "Srednjobosanske šume" d.o.o. Donji Vakuf organizirana je stručna posjeta šumarske delegacije Srednjobosanskog kantona Regionalnoj direkciji šumarstva Antalija, predvođenom ministrom šumarstva, poljoprivrede i



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ŠUMARSKO UDRUŽENJE FEDERACIJE BOSNE I HERCEGOVINE – UŠIT FBiH
FORESTRY ASSOCIATION OF FEDERATION OF BOSNIA AND HERZEGOVINA
T.R.N.: 1011010000430716 - Privredna banka d.d. Sarajevo
ID: 4200201050000; P.B.: 01078773

vodoprivrede SBK gospodinom Salkanom Merđanićem, dipl.ing.šum. i direktorom ŠPD "Srednjobosanske šume" d.o.o. Donji Vakuf gospodinom mr.sc. Vildanom Hajićem.

**IZDAVAČKA DJELATNOST, STRUČNI RADOVI, OBRAZOVANJE,
SEMINARI I SAVJETOVANJA**

- Štampan je dvobroj časopisa Naše šume uz tiraž 1.200 primjeraka. Evidentan je blagi porast dostavljanja članaka sa terena, dok se naučni i stručni članci dostavljaju redovno i bez problema.
- Finalizirane aktivnosti na indeksaciji časopisa kod EBSCO baze podataka.
- U suradnji sa ŠPD „Srednjobosanske šume“ d.o.o. Donji Vakuf i Šumarskim fakultetom Univerziteta u Sarajevu organizovan je IV. seminar – integralna zaštita šuma sa međunarodnim učešćem u centru za kulturu i sport u Donjem Vakufu.
- Gostovanje predsjednika Udruženja Refika Hodžića, dipl. ing. šum. na RTV TK povodom međunarodnog dana šuma.
- Održana promocija fotomonografije „Prašume Bosne i Hercegovine“ u organizaciji Fonda za zaštitu okoliša FBiH, Šumarskog fakulteta Univerziteta u Sarajevu i Udruženje inženjera i tehničara šumarstva FBiH.
- Štampana nova knjiga u izdanju Udruženja, autora prof.dr.sc. Dalibora Balliana - "GMO (LMO) u šumarstvu".
- U Tuzli u sklopu priprema za organizaciju "VI. Šumarijade FBiH-Tuzla 2019.", a u organizaciji JP "Šume TK" d.d. Kladanj i UŠIT FBiH upriličena promocija fotomonografije Prašume Bosne i Hercegovine, koju su promovirali recenzenti izdanja prof.dr. Sead Vojniković i prof.dr. Ahmet Lojo.
- U sklopu obilježavanja Međunarodnog dana prašuma (14. septembar) u Akademiji nauka i umjetnosti Bosne i Hercegovine je 12. septembra 2019. godine upriličena promocija fotomonografije Prašume Bosne i Hercegovine u organizaciji ANU BiH i UŠIT FBiH.
- Udruženje inženjera i tehničara šumarstva Federacije Bosne i Hercegovine – UŠIT FBiH u saradnji sa JP "Bosanskopodrinjske šume" d.o.o. Goražde i Šumarskim fakultetom Univerziteta u Sarajevu, organizovalo 16.10.2019. godine u Islamskom kulturnom centru u Goraždu (velika sala), seminar iz oblasti zaštite šuma” na temu: “Hrastova mrežasta stjenica (Corythuca arcuata)”.
- Održana promocija knjige: „Varijabilnost Obične Bukve (*Fagus Sylvatica* L.) u Bosni i Hercegovini“.



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ŠUMARSKO UDRUŽENJE FEDERACIJE BOSNE I HERCEGOVINE – UŠIT FBiH
FORESTRY ASSOCIATION OF FEDERATION OF BOSNIA AND HERZEGOVINA
T.R.N.: 1011010000430716 - Privredna banka d.d. Sarajevo
ID: 4200201050000; P.B.: 01078773

- U organizaciji ŠPD "Unsko-sanske šume", Šumarskog fakulteta Univerziteta u Sarajevu i Udruženja inženjera i tehničara šumarstva Federacije Bosne i Hercegovine u srijedu 4. decembra 2019. godine u hotelu Emporium u Bihaću, održan je V. Međunarodni seminar - Integralna zaštita šuma na kome su učešće uzele kolege iz Republike Turske, Republike Hrvatske i Bosne i Hercegovine.

STRUČNE EKSKURZIJE I MEĐUNARODNA SARADNJA

- Učešće i finansijska podrška u aktivnostima Srednje škole za okoliš i drveni dizajn na organizaciji 14. Alpe-Adria šumarske olimpijade, koja se održala na lokalitetu devastirane Srednje šumarske škole na Ilidži.
- Nastavljeno je kontinuirana korespodencija sa Generalnom direktijom za šume Republike Turske, kao i Turskom ambasadam u BiH i TIKa-om (Turske agencije za razvoj i saradnju).
- Učešće šestočlane šumarske delegacije iz Bosne i Hercegovine koja je predvođena dekanom Šumarskog fakulteta Univerziteta u Sarajevu prof.dr. Mirzom Dautbašićem u Regionalnoj direkciji šumarstva Izmir u Republici Turskoj. Tema posjete je: "Biološke mjere borbe u zaštiti šuma", tačnije laboratorijskoj proizvodnji korisnih insekata u Izmiru.
- Uspješno završena protivpožarnu obuku 15 kolegica i kolega u Međunarodnom šumarskom trening centru u Antaliji.

Sve navedene aktivnosti realizovane su uz značajna finansijska ograničenja i manji budžet, imajući u vidu aktuelnu ekonomsku situaciju u BiH i stanje u sektoru šumarstva.

Upravni odbor
Udruženja inženjera i tehničara šumarstva
Federacije Bosne i Hercegovine



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ŠUMARSKO UDRUŽENJE FEDERACIJE BOSNE I HERCEGOVINE – UŠIT FBiH
FORESTRY ASSOCIATION OF FEDERATION OF BOSNIA AND HERZEGOVINA
T.R.N.: 1011010000430716 - Privredna banka d.d. Sarajevo
ID: 4200201050000; P.B.: 01078773

Sarajevo, ul. Zagrebačka br. 20, www.usitfbih.ba; tel./fax: + 387 33 812 448, e-mail: info@usitfbih.ba